

ЎТМИШГА НАЗАР

ВЗГЛЯД В ПРОШЛОЕ

LOOK TO THE PAST

№23 (2019)



TOSHKENT-2019

Бош муҳаррир:
Главный редактор:
Chief Editor:

Муртазаева Раҳбар Ҳамидовна
тарих фанлари доктори, профессор,
Ўзбекистон Миллий Университети

Бош муҳаррир ўринбосари:
Заместитель главного редактора:
Deputy Chief Editor:

Джураева Нилуфар Далибаевна
тарих фанлари номзоди, доцент,
Ўзбекистон Жаҳон Тиллари Университети

"Ўтмишга назар" журнали таҳририй маслаҳат кенгаши
редакционный совет журнала "Взгляд в прошлое"
Editorial Board of the Look to the past

Кебадзе Мадонна

*Доктор исторических наук, Телавский
государственный университет (Грузия)*

Бурдиашвили Майя

*Доктор исторических наук, Телавский
государственный университет (Грузия)*

Кожакеева Ляззат Темировна

*тарих фанлари доктори, доцент,
Хотин-қизлар давлат педагогика университети,
Қозоғистон Республикаси*

Сагдуллаев Анатолий Сагдуллаевич

*тарих фанлари доктори, профессор, академик,
Ўзбекистон Миллий Университети*

Бобожонова Дилором Бобожонова

*тарих фанлари доктори, профессор, Ўзбекистон
Жаҳон Тиллари Университети*

Зияева Доно Ҳамидовна

*тарих фанлари доктори, профессор,
ЎзР ФА Тарих институти*

Аширов Адҳам Азимбаевич

*тарих фанлари доктори, профессор,
ЎзР ФА Тарих институти*

Агзамова Гулчехра Азизовна

*тарих фанлари доктори, профессор,
ЎзР ФА Тарих институти*

Халикова Раҳбар Эргашевна

*тарих фанлари доктори, профессор, Тошкент
давлат техника университети*

Ишанходжаева Замира Райимовна

*тарих фанлари доктори, профессор в.б.,
Ўзбекистон Миллий Университети*

Кобзева Ольга Петровна

*тарих фанлари доктори, профессор в.б.,
Ўзбекистон Миллий университети*

Одилов Абдор Анварович

*тарих фанлари номзоди, доцент, Ўзбекистон
Миллий университети*

Ерметов Аваз Абдуллаевич

*тарих фанлари номзоди, доцент, Ўзбекистон
Миллий Университети*

Саипова Камола Давляталиевна

*тарих фанлари номзоди, доцент, Ўзбекистон
Миллий Университети*

Джоробекова Айнура Эшимбековна

*тарих фанлари номзоди, профессор, Тошқи
ишлар вазирлиги қошидаги Дипломатия
академияси, Қозоғистон Республикаси*

Ульжаева Шохистахон Мамажоновна

*тарих фанлари доктори, Тошкент Кимё -
Технология Институтида*

Саҳифаловчи: Хуршид Мирзахмедов

Контакт редакций журналов. www.tadqiqot.uz

ООО Tadqiqot город Ташкент,
улица Амир Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

МУНДАРИЖА \ СОДЕРЖАНИЕ \ CONTENT

1.Хайдаров И.М.

ЎЗБЕКИСТОНДАГИ АГРАР-САНОАТ КОМПЛЕКСИ ТАРИХИДАН
(XX асрнинг 60-80 йиллари).....4

2.Азаматова Г.Б.

АҲОЛИ МИГРАЦИЯСИДА ХОТИН - ҚИЗЛАР ҲАРАКАТИ:
МУАММО ВА ЕЧИМЛАР.....14

3.Бутаев У.

МУРАККАБ ЗАМОНАВИЙ ДУНЁДА ҲАҚИҚИЙ МУСТАҚИЛЛИКНИ
ТАЪМИНЛАШ МУАММОЛАРИ.....24

4.Ёдгоров З.Ш.

ЎЗБЕКИСТОНДА МУСТАҚИЛЛИК ЙИЛЛАРИДА ЖИСМОНИЙ
ТАРБИЯ ВА СПОРТ СОҲАСИДА АМАЛГА ОШИРИЛАЁТГАН ДАВЛАТ
СИЁСАТИНИНГ УСТУВОР ВАЗИФАЛАРИ.....31

5.Мажидов А.Ф., Абдурасулова Д.Т.

ТАРИХИМИЗНИНГ ҲАСРАТЛИ САҲИФАЛАРИ ХУСУСИДА БАЎЗИ
МУЛОҲАЗАЛАР.....40

6.Пардаев Т.Р., Турсунов Ж.Н.

МУСТАБИД ТУЗУМНИНГ МИЛЛИЙ ВА ДИНИЙ ҚАДРИЯТЛАРГА
МУНОСАБАТИ.....44

7.Охунжонова Ш.Ю.

ТОШКЕНТ БОЗОРЛАРИ ФАОЛИЯТИНИНГ МАНБАЛАРДА
АКС ЭТИШИ.....50

8.Тухтаева М.С.

XX АСР ЎЗБЕКИСТОН САНЪАТШУНОСЛАРИНИНГ ЎРТА ОСИЁДА
ШАРҚ УЙҒОНИШ ДАВРИ САНЪАТИ ТАРИХИНИ ЎРГАНИШГА
ҚЎШГАН ҲИССАСИ.....59

9.Шукуров Р.

БУХОРО БОСҚИНИ АРАФАСИДАГИ СИЁСИЙ ЖАРАЁНЛАРНИНГ
ЗАМОНАВИЙ ТАРИХ ТАДҚИҚОТЛАРИДАГИ ТАҲЛИЛИ.....68

10.Тўпчиев У.С.

ХІХ АСР ОХИРИ-ХХ АСР БОШЛАРИДАТУРКИСТОН ЎЛКАСИДА
ВИНОЧИЛИК САНОАТИНИНГ ВУЖУДГА КЕЛИШИ.....75

11.Мадаминаова Д.И., Мустапова Х.И., Суюнова Б.С.

ЯПОНИЯ ТАШҚИ СИЁСАТИДА МАРКАЗИЙ ОСИЁ ВЕКТОРИНИНГ
ШАКЛЛАНИШ ВА РИВОЖЛАНИШ ХУСУСИЯТЛАРИ.....89

12.Нарзуллаева Н.А.

ХИВА ХОНЛИГИ МЕТРОЛОГИК ТИЗИМИ.....96

ЎТМИШГА НАЗАР ВЗГЛЯД В ПРОШЛОЕ LOOK TO THE PAST

Мадаминаова Дурдона Искандаровна,
Тошкент давлат шарқшунослик институти
сиёсий фанлар номзоди
Мустапова Хилола Исламовна,
Тошкент давлат шарқшунослик институти
катта ўқитувчиси
Суёнова Барно Сафарали қизи,
Тошкент давлат шарқшунослик институти
стажёр-ўқитувчиси

ЯПОНИЯ ТАШҚИ СИЁСАТИДА МАРКАЗИЙ ОСИЁ ВЕКТОРИНИНГ ШАКЛЛАНИШ ВА РИВОЖЛАНИШ ХУСУСИЯТЛАРИ

For citation: Durdona I. Madaminova, Khilola I. Mustapova, Barno S. Suyunova. Establishing and developing prospects of Central Asian vector in Japanese foreign policy. 2019, vol. 23, issue 2, pp. 89-95



<http://dx.doi.org/10.26739/2181-9599-2019-23-11>

АННОТАЦИЯ

Мазкур мақолада Япониянинг Марказий Осиёдаги сиёсати таҳлил қилинган. Япониянинг минтақадаги манфаатлари ва имкониятлари кенг тадқиқ этилган. Мақолада Япония ва Марказий Осиё давлатлари ўртасидаги ижтимоий, сиёсий ва маданий муносабатлар ҳолати ёритилган бўлиб, муаллифлар икки ва кўп томонлама ҳамкорликнинг ҳозирги ҳолати ва истиқболлари хусусида ўз илмий хулосаларини баён қилганлар. Минтақа хусусиятларидан келиб чиққан ҳолда логистик ва инвестицион имкониятлар кўриб чиқилган.

Калит сўзлар: "Ипак йўли" дипломатияси, дипломатик муносабатлар, иқтисодий ривожланиш, "Евроосиё дипломатияси", транспорт коридори, ҳамкорлик, "Марказий Осиё+Япония" Мулоқот дастури.

Мадаминаова Дурдона Искандаровна,
Ташкентский государственный институт востоковедения

кандидат политических наук
Мустапова Хилола Исламовна,
Ташкентский государственный институт
востоковедения старший преподаватель
Суёнова Барно дочь Сафарали,
Ташкентский государственный институт
востоковедения стажер учитель

ОСОБЕННОСТИ ФОРМИРОВАНИЯ И РАЗВИТИЯ ЦЕНТРАЛЬНОАЗИАТСКОГО ВЕКТОРА ВО ВНЕШНЕЙ ПОЛИТИКЕ ЯПОНИИ

АННОТАЦИЯ

В данной статье проведен анализ политики Японии в Центральной Азии. Детально исследованы интересы и возможности Японии в данном регионе. В статье раскрыты вопросы посвященные анализу нынешнего состояния социальных, политических и культурных отношений между Японией и странами Центральной Азии, а также авторами сделан вывод о перспективах развития двусторонних и многосторонних отношений. Учитывая особенности данного региона, выдвинуты логистические и инвестиционные возможности.

Ключевые слова: дипломатия "Шелкового пути", дипломатические отношения, экономическое развитие, "Евразийская дипломатия", транспортный коридор, сотрудничество, диалог "Центральная Азия+Япония".

Durdona I. Madaminova,
Tashkent State Institute of Oriental Studies
candidate of political sciences
Khilola I. Mustapova,
Tashkent State Institute of Oriental
Studies senior teacher
Barno S. Suyunova,
Tashkent State Institute of Oriental
Studies trainee teacher

ESTABLISHING AND DEVELOPING PROSPECTS OF CENTRAL ASIAN VECTOR IN JAPANESE FOREIGN POLICY

ANNOTATION

This article is devoted to the analysis of Japanese politics in Central Asia. The interests and opportunities of Japan have been carefully studied. The article discusses the social, political and cultural issues between Japan and Central Asian countries. The author examines the current state and prospects of political and economic cooperation between Japan and Central Asian countries, joint efforts to address the problems and threats facing sustainable development of the region, which must be addressed in the development of bilateral and multilateral relations - logistics and investment cooperation.

Keywords: "Silk Road" Diplomacy, diplomatic relations, economic growth, "Eurasian

diplomacy", transport corridor, cooperation, "Central Asiaplus Japan" Dialogue.

Сўнгги йилларда Япония ва Марказий Осиё давлатлари ўртасидаги ҳамкорлик муносабатларида ижобий силжиш кузатилмоқда. Бунда Япония иқтисодиётининг жадал ривож, ёқилги ва энергетика ресурсларига бўлган талабнинг ортиши кабилар, табиий ресурсларга бой давлатлар билан ўзаро муносабатларни ривожлантиришда муҳим омил бўлиб хизмат қилмоқда. Мазкур жабҳада Марказий Осиё минтақаси энергия ресурслари, хусусан, табиий газ, пахта толаси ва бошқа стратегик ресурслар билан таъминлашда улкан имкониятларга эга.

1991 йил Совет Иттифоқи парчалангандан кейин Япония ва Марказий Осиё республикалари ўртасида дипломатик алоқалар ўрнатилди ва ўртадаги ҳамкорлик сезиларли даражада ривожлана бошлади [1,Б.77]. Япония раҳбарияти ва ҳукмрон доираларининг мазкур мамлакатларга нисбатан олиб борган сиёсатини қуйидаги босқичларга бўлиб ўрганиш мақсадга мувофиқ:

Биринчи босқич 1992-1997 йил июль ойларини ўз ичига олади. Бу давр Марказий Осиёдаги янги давлатларнинг мустақилликни қўлга киритиши билан боғлиқ бўлса, Япония учун Осиё-Тинч океани минтақасида етакчи давлат мақомига эга бўлиш давлат сиёсатининг кун тартибида турган муҳим масалалардан бири саналар эди. Япония биринчилардан бўлиб, Марказий Осиё давлатларининг мустақил давлат сифатидаги мақомини тан олди ҳамда дипломатик алоқалар ўрнатди. Углеводород ва минерал хомашёлар ҳамда қимматбаҳо металллардан иборат табиий ресурсларга бой бўлган минтақа давлатлари билан ҳамкорлик ўрнатиш Япониянинг миллий манфаатларига хизмат қилиши табиий. Бунда, Осиёдаги хомашёни қазиб олиш ва қайта ишлашни сезиларли даражада осонлаштирадиган энг малакали ва нисбатан арзон ишчи кучининг мавжудлиги, япониялик ишбилармонларни бефарқ қолдирмасди [2].

Япония ҳукумати ташқи сиёсатида Марказий Осиёга йўналтирилган дастлабки миссия 1997 йилда 28 июнь - 9 июль кунлари Кеизо Обучи бошчилигида иш бошлаган. Мазкур 61 кишилиқ делегация Марказий Осиё республикалари ва Россияда бўлиб қайтган [3]. Япония мазкур миссиянинг фаолияти натижалари асосида Марказий Осиё республикалари ҳақида ижобий хулосаларни шакллантирган ҳолда, минтақа давлатлари билан ташқи сиёсий фаолиятда алоқаларни чуқурлаштириш ва кенгайтиришга қарор қилди. Мазкур ташаббусларнинг натижаси, 1997 йил июлида собиқ Бош вазир Рютаро Ҳасимото томонидан Марказий Осиё республикаларига нисбатан юритила бошлаган ташқи сиёсатида ўз аксини топа бошлади [4,Б.7].

"Евроосиё дипломатияси"и номи остида минтақа мамлакатлари билан алоқаларни сезиларли даражада мустаҳкамлашга қаратилган мазкур сиёсат ташқи сиёсат доктринасининг қабул қилинишида асос бўлиб хизмат қилди [5,Б.195].

Минтақа давлатлари билан ҳамкорлик алоқаларини мустаҳкамлашга йўналтирилган ташқи сиёсат доктринасининг қабул қилиниши, кўптомонлама ҳамкорлик алоқаларининг иккинчи босқичи учун дебеча вазифасини бажарди. Ушбу босқич 2004 йилгача бўлган даврни ўз ичига қамраб олади. "Евроосиё дипломатияси" Япония ташқи сиёсатининг Марказий Осиё йўналишини амалга татбиқ этишни назарда тутувчи уч муҳим таркибий қисмдан иборат:

- ўзаро ишончни мустаҳкамлаш ва ҳамкорлик бўйича сиёсий музокаралар

ўтказиш;

- иқтисодий ривожлантириш мақсадида иқтисодий ва табиий ресурсларни ўзлаштириш соҳасидаги ҳамкорликни жадаллаштириш;

- ядро қуролини тарқатмаслик йўли билан минтақада хавфсизлик ва барқарорликнинг таъминланишига эришиш кабилар шулар жумласидандир [6, Б.194].

Марказий Осиё республикаларига нисбатан янги сиёсатни амалга ошириш мақсадида, Япония ҳукумати кенг сиёсий алоқаларни ривожлантириш, кўп томонлама иқтисодий ҳамкорлик ва бозор иқтисодиётига ўтишга кўмаклашишни назарда тутадиган "Ипак Йўли" номли ҳаракат дастурини қабул қилди [7].

2002 йилда энергоресурсларни ишлаб чиқиш ва ўзлаштириш соҳасидаги ҳамкорлик истиқболларини белгилаб олиш мақсадида Ўзбекистон, Қозоғистон, Туркменистон ва Озарбайжонга С.Суғиура бошчилигидаги "энергетик миссия"нинг юборилиши, мавжуд соҳадаги ижобий ўзгаришларнинг амалий тасдиғи бўлди десак хато бўлмайди [8].

Ўтган йиллар давомида "Ипак йўли" дастури доирасида бир қатор ижобий ишлар амалга оширилган бўлиб, уларнинг сирасига қуйидагиларни киритиш мумкин:

- Қозоғистоннинг Хитой билан чегарасидан ўтган темир йўл бекати ("Дўстлик" бекати)да товарларни ташиш бўйича шарт-шароитлар замон талабларига мослаштирилди;

- Тошкент, Олма-ота ва Ашхободда йўловчи ташувчи поездларни таъмирлашга мўлжалланган заводлар қурилди;

- Туркменистонда темир йўл тизими яратилди;

- Қозоғистондаги Семипалатинск шаҳри яқинидаги Иртиш дарёси устида катта ҳажмли кўприк бунёд этилди.

Бундан ташқари, Бишкек ва Ўш ўртасида автомобил йўли қурилиши Япониядаги синдикат ва Осиё Тараққиёт Банки томонидан молиялаштирилган. Қозоғистон ва Ўзбекистондаги аэропортлар ва минтақадаги товарларни ташиш бўйича темир йўл тармоғи қурилиши, Каспий денгизи қирғоғи ва Москвага олиб борадиган асосий автомобиль йўналишини таъмирлашда Япония сезиларли ҳисса қўшган [9, Б.194-195].

Иқтисодий муаммоларни ҳал этиш биринчи галдаги вазифалар мазкур концепцияни амалга оширишдаги бош тамойил ҳисобланади. Ушбу тамойилга мувофиқ, энергетика, трансминтақавий транспорт тизими ва телекоммуникация "Буюк Ипак Йўли" дастурининг уч таянчи ҳисобланади. Бу минтақани глобал транспорт тизими ва ахборот коммуникация тармоғига интеграциялашувини рағбатлантиради.

Япония ва Марказий Осиё мамлакатлари ўртасидаги муносабатларнинг учинчи даври 2004 йил август ойида "Марказий Осиё+Япония" Мулоқот дастури доирасида кўптомонлама ҳамкорликнинг амалга оширилиши билан бошланди.

2004 йил 28 август куни Остонада Япония Ташқи ишлар вазири Кавагучи билан Марказий Осиё давлатлари ташқи ишлар вазирлари учрашиб, "Марказий Осиё+Япония" Мулоқот дастурини тузишга келишиб олдилар. Бунда Туркменистон вакили иштирок этмаганди [10, Б.79].

2012 йил Япония ва Қозоғистон, Қирғизистон, Тожикистон, Туркменистон ва Ўзбекистон ўртасидаги дипломатик муносабатлар ўрнатилганлигининг 20 йиллиги

муносабати билан Токиода бўлиб ўтган Марказий Осиё давлатлари ташқи ишлар вазирликлари ўртасидаги йиғилишга биринчи марта Туркменистон Ташқи ишлар вазири ва Бош вазир ўринбосари иштирок этган [11,Б.84]. Мулоқот дастури доирасида давлат раҳбарлари, ташқи ишлар вазирлари ўртасида учрашувлар, бизнес-форумлар ўтказиб борилмоқда. "Марказий Осиё+Япония" Мулоқот дастури доирасида бугунги кунгача 7 марта Ташқи ишлар вазирлари ўртасида йиғилиш ўтказилди. Охиргиси 2019 йил 17-18 май кунлари Тожикистоннинг Душанбе шаҳрида бўлиб ўтди [12].

2006 йил август ойида Япония Бош вазири Коизуми илк марта Марказий Осиё республикалари - Қозоғистон ва Ўзбекистонга ташриф буюрган.

Япония Ташқи ишлар вазири Таро Асо 2006 йил 1 июнда сўзлаган "Марказий Осиё тинчлик ва барқарорлик коридори сифатида" номли нутқида Япониянинг Марказий Осиё давлатлари билан дипломатик муносабатларининг уч йўналишини белгилаб берди:

- 1) Минтақа давлатлари билан истиқболли ҳамкорликни қўллаб-қувватлаш;
- 2) Минтақавий ҳамкорликни таъминлаш;
- 3) Умуминсоний қадриятларга таянган ҳолда доимий ҳамкорликка интилиш.

Япония-Марказий Осиё муносабатлари ҳақида мутахассислар Япония Марказий Осиёнинг табиий ресурслари, шунингдек, Қозоғистон, Туркменистон ва Ўзбекистондаги углеводород захиралари ва айниқса, компьютер экранлари, гибридли машиналар ва супер қурилмаларда ишлатиладиган нодир металлларига қизиқиш билдиришини кўрсатиб ўтадилар.

Дунё бўйича 93% камёб металлларга эгалик қилувчи Хитой нодир металлларга эгалик қилиш бўйича дунёда биринчи ўринда туради. Япония эса нодир металллар истеъмоли бўйича дунёда энг юқори ўринни эгаллаб келади. 2010 йилда қирғоқ бўйини қўриқловчи японлар ва Хитой кемачилари ўртасида юзага келган келишмовчиликлар туфайли [13] Хитой Японияга нодир металлларни экспорт қилишга эмбарго қўйди. Бу воқеа Япониянинг Марказий Осиёга бўлган қизиқишини янада оширди.

Иқтисодий алоқаларни янада кенгайтириш мақсадида Япония ҳукумати тарафдан Марказий Осиёга навбатдаги расмий ташриф амалга оширилди.

2015 йил октябрь ойида Япония Бош вазири Синдзо Абе Марказий Осиёнинг 5 та давлатига ташриф буюриши Япония тарихида Бош вазир томонидан мазкур минтақанинг барча давлатларига қилинган биринчи ташриф бўлди. Учрашувлар давомида жами 87 та ҳужжат имзоланган [14,Б.343].

2015 йилнинг 22-28-октябрь кунлари Синдзо Абэнинг ҳар бир Марказий Осиё давлатлари раҳбарлари билан учрашуви Япония сиёсатчилари томонидан катта натижалар олиб келиши режалаштирган эди. Бунда асосий мақсадлар "Марказий Осиё+Япония" мулоқот дастурини янада ривожлантириш, ушбу давлатлар билан савдо-иқтисодий, сиёсий алоқаларини яхшилаш кўзда тутилган эди. Япон наشريётида келтирилган манбаларга кўра, ташрифлардан қуйидаги хулосавий натижалар келтирилди:

- Япония ва Марказий Осиё давлатлари ўртасидаги муносабатлар мустаҳкамланди;

- Минтақанинг 5 та давлатида ҳам Япония дипломатиясига нисбатан яхши муносабат билдирилиши аниқланди;

- Япония Бош вазири билан биргаликда япон тадбиркорларининг ташрифи

тадбиркорликни ривожлантириш борасидаги ҳамкорликни кучайтирди;

- Жами 50 та ташкилот, жумладан хусусий фирмалар вакиллари ташриф буюриб, 3 та давлат (Туркменистон, Ўзбекистон ва Қозоғистон)да бизнес форумлари ўтказилди;

- Хусусий ва жамоатчилик соҳалари бўйича 87 та ҳужжат имзоланди;

- Абэнинг нутқларида "бизнес учун имкониятлар яратишга 3 трл. иена ажратилишини маълум қилди [15].

Минтақадаги барча давлатлар Япония Бош вазирининг ташрифини яхши кутиб олди. Япония ТИВ нинг 2015 йил ҳисоботи бўйича чиқарилган китобида Ўзбекистон Япониянинг тинчликка ҳисса қўшишда фаол ҳаракатини юқори баҳолаганлигини таъкидлаган [16].

Умуман олганда, Япония ўзининг кучли иқтисодий, илмий, илмий-техникавий салоҳияти билан жаҳон сиёсатида ўзига хос аҳамиятга эга. Япония Марказий Осиёда тинчлик ва барқарорлик бўлишидан манфаатдор. Чунки минтақада осойишталик бўлсагина, ўзаро алоқаларни янада ривожлантириб бориш имконияти кенгайиб боради. Улар ўртасидаги ҳамкорликнинг ривожланиши минтақада хавфсизлик ва барқарорликни таъминлашда устуворлик қилади.

Фойдаланилган адабиётлар рўйхати

1. Rakhimov M. Central Asia and Japan: Bilateral and multilateral relations// Journal of Eurasian Studies. - 2014. №3. - P.77

2. Tetsuya H. Presentation paper (abstract) for the "International Conference on Central Asia and North Cyprus Relations" to be held between 20-21 2008 in TRNC "Central Asia and Japan- Japan's Silk Road Diplomacy".

3. Takeshi Y. Japan's Multilateral Approach toward Central Asia. - P.75/src-h.slav.hokudai.ac.jp /coe21/publish/ no16.../04_yuasa.pdf

4. Khoshimov V. Foreign policy of Japan and Central Asia. - P.7// www2.jiia.or.jp/pdf/.../081218-Valijon_N_Khoshimov.pdf

5. Qosimova Z.G. Yaponiya va Uzbekiston o'rtasidagi o'zaro hamkorlik munosabatlarida madaniy qadriyatlar va an'analarning o'rni./Jahon siyosatining dolzarb muammolari: ilmiy maqolalar to'plami. -T.: ToshDSHI, 2012. - P. 195. (Kosimova ZG The role of cultural values and traditions in the relationship between Japan and Uzbekistan.-T .: TashSMI, 2012. - P. 195).

6. Karasawa K. Peaceful and prosperous Central Asia and international corporation: Japanese perspectives on transport and communication issues/Santhanam K., Dwivide R.India and Central Asia: advancing the common interest. - New Delhi: Institute for Defence Studies and Analyses; Anamaya Publishers, 2004. - P.194

7. Sadykova R. Japan's Policy towards the Countries of Central Asia/International Science Index, Humanities and Social Sciences Vol:7, №8 2013/waster.org/Publication/16055

8. Dobrinskaya O. Japan and Turkmenistan on the way towards closer cooperation/ <http://analitika.org/en/tj-tk/tt-foreign-affairs/55-japan-and-turkmenistan-on-the-way-towards-closer-cooperation.html>

9. Karasawa K. Peaceful and prosperous Central Asia and international corporation: Japanese perspectives on transport and communication issues/ Santhanam K., Dwivide R. India and Central Asia: advancing the common interest. - New Delhi: Institute for

Defence Studies and Analyses; Anamaya Publishers, 2004. - P. 194-195.

10. Rakhimov M. Central Asia and Japan: Bilateral and multilateral relations. // Journal of Eurasian Studies. - 2014. №3. - P. 79

11. Rakhimov M. Central Asia and Japan: Bilateral and multilateral relations // Journal of Eurasian Studies. - 2014. №3. - P. 84.

12. Yurtimiz delegatsiyasi Dushanbe shahriga tashrif buyuradi // <http://uza.uz/oz/world/yurtimiz-delegatsiyasi-dushanbe-sha-riga-tashrif-buyuradi-19-05-2019>

13. Yaponiya i Tsentralnaya Aziya: oshobyie otnosheniya (Japan and Central Asia: especial relations.) 22-11-2016/<http://www.caa-network.org>

14. 我が国の通商政策上の対応の方向性.(Direction of response in Japan's trade policy) White Paper on International Economy and Trade, 2016. – P. 343 // http://www.meti.go.jp/report/tsuhaku2016/.../2016_03-02-01.pdf

15. 相木俊宏.我が国の対中央アジア外交. 外務省中央アジア担当特別代表（大使）. 2016年9月28日中央アジア+日本」対話第9回東京対話. Toshihiro A. Japan's Central Asian diplomacy Ministry of Foreign Affairs Special Representative for Central Asia). September 28, 2016 "Central Asia + Japan" Dialogue The 9th Tokyo Dialogue//www.mofa.go.jp/mofaj/files/000193849.pdf

16. Diplomatic Bluebook 2016. Japanese Diplomacy and Global Affairs in 2004. Ministry of Foreign Affairs, Japan. – P.125. // www.mofa.go.jp/

ЎТМИШГА НАЗАР

ВЗГЛЯД В ПРОШЛОЕ

LOOK TO THE PAST

№23 (2019)

Контакт редакций журналов. www.tadqiqot.uz

ООО Tadqiqot город Ташкент,
улица Амир Темура пр.1, дом-2.

Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000